

حقیقی توبہ



کاشغر شہریدہ سوتیان فونیک تانک اینک باسمہ خانہ سیدہ باسبیلدی

میلاد مسیح اینک ۱۹۳۱ نجی یلمیدہ

❁ حقیقی توبه ❁

❁ بسم الله الرحمن الرحيم ❁

ای خداوند سن عادل دورسن و حکم لارینک راست دورلار.
فاسق لار حکمده و یا کناکارلار عادل لارنیک جماعتیده تورمايدورلار. (زبور) توبه قبلینکلار.
بس توبه کا لایق میوه قبلینکلار. (انجیل).

خدای تعالی همه ایشلایده عادل و پاک بولوب هر کناه و فاسقلیق فی یمان کورادور اینک اوچون
کناکارلار اینک حضوریدا تورالمایدورلار و فاسق آدم بهشت کا کیرالمایدور. راست اویلاب باساق
بیلورمیز که هر آدم فانیچه یخشی بولسه هم خدانینک الیدنا ناپاک کمره کناکار توروب جهنم کا لایق دور
هیچ آدم پاک ایماس.

اینک اوچون توبه قبلماق هر آدم نینک همه دین ضرور ایشی دور و انداغ بولسه توبه دیکان نه
ایکان نه ایماس دیب بیلماک هم نهایت ضرور دور تولا آدم لار توبه توبه مینک توبه دیب یورورلار
لیکن قیلغان عمل لاریدین و ایقان سوزلاریدین معلوم بولور که اولار مینک توبه دیکانی برله راست توبه
قیلغان ایماس دورلار.

اول اوز کنهانی بیلماک آدم کا لازم دور انجیل شریفده اینک باره سیده کلیل دور: اگر کنهانی
یوق دور دیساک اوز اوزومیزی الدارمیز و بیزده حقیقت یوق دور. برکشی من باشقه آدم دین یمان ایماس
من و یا فلان کشی قیلغان کنهانی من قبلما دیم دیسه هیچ فائده سی یوق خدانینک اراده سیکا موافق بولماغان
هر عمل هر سوز و هر خیال کنه بولادور پس آدم اوز دل فکر لارینی و عمل لارینی خدا اوز مقدس
کتابلاریدا ظاهر قیلغان قدس اراده سی نینک الیدغه کلتورسه کنه اشکارا بولادور.

کنهانی بیلکاندین کین انی اقرار قیلیب خدادین مغفرت تیلماک آدمغه واجب دور باشقه آدمغه
قیلغان کنهانی شول آدمغه اقرار قیلیب اینکدین هم عفو تیلماک لازم دور. زبوردا کلیل دور: کنهانی
سندکا بیلدوروب بوزوغلو قوم فی یا شور ماب دور من. خداوند کا عصیان لاریم فی اقرار قیلای دیب ایتیم و سن

کناھیم نینک بوزوغلوقنی باغیشلادینک، انجیل شریفده هم کلب دور: اگر کناھلاریمیزی اقرار قیلساق خدا بیزنینک کناھلاریمیزی باغیشلاغالی و بیزی بارچه حق سزلیقدین پاك قیلغالی امین و عادل دور.

هم کناھ اوچون غمکین و یومشاق کونکل برله و کناھنی تاشلاماق نینک نیتی برله توبه قیلیب خدادین مغفرت تیلماک لازم دور. خلق توبه کناھنی یوق قیلادور دیب ایتادور توبه راست بولسه اینک برله کناھلار نینک عفو سی برلادور لیکن توبه قیلدیم دیکان برله کناھ یوق بولمايدور توللا آدم لار توبه قیلدوق دیب ایتیب یورادور لار لیکن ایلکاری تورغان حالدا قالدور بالدور قیدین پاك و عادل بولمايدور پس معلوم دور که اولار راست توبه قیلماک دور لار راست توبه قیلغان آدم فاسغلیق حالیدا تورمای کناھنی تاشلاب عادل بولادور توبه اغیز نینک سوزی برله تمام بولمايدور بر آدم توبه توبه مینک توبه قیلدیم دیب توروب همان اول ایلکاری قیلغان کناھلارنی تخی قیلیب یورسه آشکارا معلوم بولور که اول آدم اصلا توبه قیلغان ایماس مثلاً بر اوغری اوغور لوقوم دین توبه قیلدیم دیب ینه بار برب اوغور لوق قیلسه یا بوزوق آدم بوزوغلوقوم دین توبه قیلدیم دیب تخی بوزوق رفتار قیلسه و یا غیبت کب قیلغوجی توبه یوزمینک توبه دیب یوروب تخی خق نینک غیبتنی قیلسه معلوم دور که انداغ آدم لار نینک توبه سی راست ایماس و هر کیز قبول بولمايدور انداغ توبه قیلغان کشی قول یوزینی یوب قول لاری تخی هول چاغندا اوزینی فرا ایس برله سور کاب اتکان آدمغه اوخشایدور کشی شونداغ قیلسه قول یوزی بالدور قی دین قزراق بولادور شونینکغه اوخشاش توبه قیلدیم دیب ایتیب تورغان آدم فاسغلیقنی تاشلاغالی او ناماسه یالغان توبه قیلغان برله کناھنی زیاده قیلادور.

پس راست توبه قیلادورغان آدم قیلغان کناھنی بیلیب یاشورمای اقرار قیلیب همه فاسغلیقنی تاشلاغالی نیت قیلیب خدادین مغفرت تیلایدور خدای تعالی انداغ آدم نینک توبه سینی قبول قیلیب کناھلاریمیزی مغفرت قیلادور شو یول برله کناھ کار آدم عادل بولوب ینکی بر آدم دیک بولور نیتی پاك خواهیشی درست و رفتاری توزوک بولادور.

لیکن آدم دیکان اوز قدرت قوتیدین کناھلاریمیزی تاشلا یالمايدور پاك بولوب بوزوغلوقومنی تاشلا ی دیب قانچه جدو جهد قیلسه کناھ انکا کوچلوق کلب انی باسادور. خدای تعالی انسان نینک عاجز لیقنی بیلیب بیزکا بر عادل پاك قدر تلیک و مهربان یاردم برکوجی و قوتازغوجی یعنی عیسی مسیحنی بر رب دور اول قوتازغوجی خدانینک تقدیری بیلان کناھلاریمیز نینک مغفرتی اوچون اوز جاننی فدا قیلغان و عدالتیمیز اوچون تیریلیب قوبوب اسمانغه چقیب دور بو عمل لاری برله اول بر کامل قوتازغوجی بولوب ایشانکالار اوچون شفاعت قیلغوجی بولوب دور نچوک که اینک باره سیده انجیل شریفده کلب دور: همه پیغمبر لار انکا کواھلیق برور لار که هر کیم انکا ایشانسه اینک اسمی برله کناھلاریمیزی باغیشلاماقنی فرور.

Swedish Mission Press, Kashgar.

1931.